

Mál nr. 257/2010

Frávísun

M

og

Vátryggingafélagið X v/vatnstjónstryggingar

Vatnstjón í maí 2010.

Gögn.

- 1) Málskot móttakið 30.08. 2010.
- 2) Bréf vátryggingafélagsins til nefndarinnar, dags. 06.09. 2010.

Málsatvik.

Fyrirliggjandi gögn upplýsa um aðdraganda máls þessa.

Enginn ágreiningur er um bótaskyldu í máli þessu en ágreiningur er um bótafjárhæð. M er ósammála mati félagsins á umfangi tjónsins.

Vátryggingafélagið vísar til 2. mgr. 3. gr. samþykktar fyrir úrskurðarnefnd í vátryggingamálum og gerir kröfu um frávísun. Nefndin úrskurðar aðeins um bótafjárhæð að fengnu sérstöku samþykki aðila. Félagið kveðst ekki samþykkja að nefndin fjalli um ágreining máls þessa. Félagið telur og að mál þetta falli hugsanlega einnig undir e lið 4. gr. nefndra samþykktar

M vísar til þess að hann hafi fengið óvilhallan matsmann til að meta tjónið og að mikill munur sé á hans mati og mati vátryggingafélagsins. Matið er fyrirliggjandi í máli þessu.

Álit.

Samkvæmt samþykktum fyrir úrskurðarnefndina þá úrskurðar nefndin aðeins um bótafjárhæðir að fengu samþykki aðila. Vátryggingafélagið samþykkir ekki að nefndin fjalli um ágreining aðila og því er máli þessu vísað frá nefndinni.

Niðurstaða.

Frávísun sbr. 2. mgr. 3. gr. samþykktar úrskurðarnefndar.

Reykjavík 14. september 2010

Rúnar Guðmunsson hdl.

Valgeir Pálsson hrl.

Jón Magnússon hrl.